

今本竹書紀年疏證

今本竹書紀年疏證卷下

王忠愍公
遺書內編

海甯 王 國維

周武王

名發初高辛氏之世妃曰姜嫄助祭郊禘見大人迹履之當時歆如有人道感己遂有身而生男以爲不祥弃之阨巷羊牛避而不踐又送之山林中會伐林者又取而置寒冰上鳥以一翼藉覆之姜嫄以爲異乃收養焉名之曰弃枝頤有異相長爲堯稷官有功於民后稷之孫曰公劉有德諸侯皆以天子之禮待之初黃帝之世讖言曰西北爲王期在甲子昌制命發行誅旦行道及公劉之後十三世而生季歷季歷之十年飛龍盈於殷之牧野此蓋聖人在下位將起之符也季歷之妃曰太任夢長人感己洩於豕牢而生昌是爲周文王龍顏虎肩身長十尺胸有四乳太王曰吾世當有興者其在昌乎季歷兄曰太伯知天命在昌適越終身不反弟仲雍從之故季歷爲嗣以及昌昌爲西伯作邑于豐文王之妃曰太

姒夢商庭生棘太子植梓樹於闕間化爲松柏棫柞以告文
王文王幣率羣臣與發並拜告夢季秋之甲子赤爵銜書及
豐置於昌戶昌拜稽首受其文要曰姬昌蒼帝子亡殷者紂
王將畋史編卜之曰將大獲非熊非羆天遣太師以佐昌臣
太祖史疇爲禹卜畋得臯陶其兆類此至於磻溪之水呂尙
釣於涇王下趨拜曰望公七年乃今見光景於斯尙立變名
答曰望釣得玉璜其文要曰姬受命昌來提撰爾洛鈐報在
齊尙出遊見赤人自洛出授尙書命曰召佐昌者子文王夢
日月著其身又鸞鷟鳴於岐山孟春六旬五緯聚房後有鳳
皇銜書遊文王之都書又曰殷帝無道虐亂天下星命已移
不得復久靈祇遠離百神吹去五星聚房昭理四海文王旣
沒太子發代立是爲武王武王駢齒望羊將伐紂至於孟津
八百諸侯不期而會咸曰紂可伐矣武王不從及紂殺比干
囚箕子微子去之乃伐紂渡孟津中流白魚躍入王舟王俯
取魚長三尺目下有赤文成字言紂可伐王寫以世字魚文
消燔魚以告天有火自天止于王屋流爲烏烏銜穀焉穀者

紀后稷之德火者燔魚以告天天火流下應以告也遂東伐
紂勝於牧野兵不血刃而天下歸之乃封呂尚於齊周德既
隆草木茂盛蒿堪爲宮室因名蒿室既有天下遂都於鎬以上除首

二字末八字皆
出宋書符瑞志

十二年辛卯王率西夷諸侯伐殷敗之于垺野水經清水注引紀年王率西夷諸侯伐殷敗之于垺野

王親禽受于南單之臺遂分天之明水經淇水注引紀年王親禽受于南單之臺遂分天之明初學記二十四引王親禽受于南單之臺

立受子祿父是爲武庚史記殷本紀封紂子武庚祿父以續殷祀

夏四月王歸于豐饗于太廟漢書律歷志逸書武成惟四月既旁生霸粦六日庚戌武王燬于太廟

命監殷逸周書作雒解武王克殷乃立王子祿父俾守商祀建管叔于東建蔡叔霍叔于殷俾監殷臣

遂狩于管逸周書大匡解又文政解惟十有三祀王在管

作大武樂呂氏春秋古樂篇武王乃命周公作爲大武

十三年巢伯來賓尚書序巢伯來朝芮伯作旅巢命

薦殷于太廟逸周書世俘解辛亥薦俘殷王鼎癸丑薦殷俘王士百人案此是克殷年事

遂大封諸侯尚書序武王既勝殷邦諸侯

秋大有年詩周頌綏萬邦慶豐年

十四年王有疾周文公禱于壇墠作金縢書金縢既克商二年王有疾弗豫序周公作金縢

十五年肅慎氏來賓

魯語昔武王克商通道於九夷八蠻肅慎氏貢楮矢石弩

初狩方岳誥于沫邑

書酒誥王若曰明大命于妹邦

冬遷九鼎于洛

左桓二年傳武王克商遷九鼎于洛邑

十六年箕子來朝

史記宋微子世家其後箕子朝周

秋王師滅蒲姑

左昭九年傳及武王克商蒲姑商奄我東土也

十七年命王世子誦于東宮

逸周書武敏解惟十有二祀四月王告夢內辰出金枝郊寶開和細書命詔周公旦立後嗣屬小子誦文及寶典

冬十有二月王陟年九十四

史記周本紀集解皇甫謐曰武王定位元年歲在乙酉六年庚寅崩追周書作維解武王克殷既歸乃歲十二月崩綱細覽八十四引帝

王世紀十年冬王崩于鎬時年九十三歲路史發揮四案竹書紀年武王年五十四

路史史記詳四

成王

名誦

逸周書武敏解屬小子誦史記周本紀武王崩太子誦代立

元年丁酉春正月王卽位命冢宰周文公總百官

史記周本紀成王少周公乃攝行政當國

庚午周公誥諸侯于皇門

逸周書皇門解惟正月庚午周公格左閭門會羣門

夏六月葬武王于畢

逸周書作維解元年夏六月葬武王于畢

秋王加元服

大戴禮記公冠篇成王冠

武庚以殷叛

史記周本紀周公乃攝行政當國管叔蔡叔羣弟疑周公與武庚作亂畔周

周文公出居于東

書金縢周公居東

二年奄人徐人及淮夷入于邳以叛逸周書作維解周公立相天子三叔及殷東徐奄及熊盈以略

秋大雷電以風王逆周文公于郊書金縢秋大熟未穫天大雷電以風王曰今天動威以彰周公之德惟朕小子其新迎王出郊

遂伐殷尚書序周公相成王將黜殷作大誥

三年王師滅殷殺武庚祿父逸周書作維解二年又作師旅臨衛政殷殷大震潰降辟三叔王子祿父北奔

遷殷民于衛尚書序成王以殷餘民封康叔左定四年傳分康叔以殷民七族

遂伐奄孟子滕文公下伐奄三年討其君

滅蒲姑原注姑與四國作亂故周文公伐之漢書地理志蒲姑氏與四國共作亂成王滅之

四年春正月初朝于廟詩序閔予小子嗣王朝于廟也

夏四月初嘗麥逸周書嘗麥解惟四年孟夏王乃嘗麥于太祖

王師伐淮夷遂入奄尚書序成王東伐淮夷遂踐作奄成王政

五年春正月王在奄遷其君于蒲姑尚書序成王既踐奄將遷其君于蒲姑

夏五月王至自奄書多方惟五月丁亥王來自奄至于宗周

遷殷民于洛邑尚書序成周既成遷殷頑民

遂營成周尚書大傳五年營成周

六年大蒐于岐陽左昭四年傳成有岐陽之蒐

七年周公復政于王明堂位七年致政于成王尚書大傳七年致政成王

春二月王如豐

書召諸惟二月既望越六日乙未王朝步自周則至于豐

三月召康公如洛度邑

書召諸越若來三月惟丙午謁越三日戊申太保朝至于洛卜宅厥既得卜則經營

甲子周文公誥多士于成周遂城東都

書召諸甲子周公乃朝用書命庶殷侯甸男邦伯厥既命殷庶庶殷丕作又多士惟三月周公

初于新邑洛用告商王士

王如東都諸侯來朝

書洛誥孺子來相宅又云汝其敬百辟享

冬王歸自東都

書洛誥戊辰王在新邑在十有二月惟周公聽保文武受命惟七年歷家皆以戊辰爲十二月晦此云冬王歸自東都者蓋僞此書者以古紀年用夏正故云爾也

立高圉廟

魯語高圉大王能帥稷者也周人報焉

八年春正月王初蒞阼親政

文王世子成王幼不能蒞阼

命魯侯禽父齊侯伋遷庶殷于魯

左定四年傳分魯公以殷民六族

作象舞

呂氏春秋古樂篇商人服象爲虐于東夷周公遂以師逐之至于江南乃爲三象以彰其德

冬十月王師滅唐遷其民于杜

左襄二十四年傳在周爲唐杜氏又昭元年傳及成王滅唐

九年春正月有事于太廟初用勺

春秋繫露三代改制質文篇周公輔成王作均樂以奉天

肅慎氏來朝王使榮伯錫肅慎氏命

尙書序成王既伐東夷肅慎氏賀王俾榮伯作賄息慎之命

十年王命唐叔虞爲侯

左昭元年傳及成王滅唐而封大叔焉

越裳氏來朝

尙書大傳成王之時越裳重譯而來朝

周文公出居于豐

通鑑外紀周公歸政三年之後老于豐

十一年春正月王如豐

唐叔獻嘉禾王命唐叔歸禾于周文公

尙書序唐叔得禾異畝同穎獻諸天子王命唐叔歸周公于東作歸禾周公既得命禾族天子

之命作嘉禾

王命周平公治東都

尙書序周公既沒命君陳分正東郊成周作君陳

約按周平公卽君陳周公之子伯禽之弟

十二年王師燕師城韓

詩大雅溥彼韓城燕師所完

王錫韓侯命

左僖二十四年傳刊晉應韓武之穆也

十三年王師會齊侯魯侯伐戎

夏六月魯大禘于周公廟

明堂位季夏六月以禘禮祀周公于太廟

十四年秦師圍曲城克之

秦孫之驪本作齊晏子春秋內篇諫下弟二丁公伐曲沃勝之類聚二十四引作丁公伐曲城

冬洛邑告成

十八年春正月王如洛邑定鼎

左宣三年傳成王定鼎于郊鄆

鳳皇見遂有事于河

宋書符瑞志見下附注

武王沒成王少周公旦攝政七年制禮作樂神鳥鳳皇見蓂

莢生乃與成王觀于河洛沈璧禮畢王退俟至于日昃榮光

並出幕河青雲浮至青龍臨壇銜玄甲之圖坐之而去禮於

洛亦如之玄龜青龍蒼光止於壇背甲刻書赤文成字周公
援筆以世文寫之書成文消龜隨甲而去其言自周公訖於
秦漢盛衰之符麒麟游苑鳳皇翔庭成王援琴而歌曰鳳皇
翔兮於紫庭余何德兮以感靈賴先王兮恩澤臻于胥樂兮
民以寧

出字書
符瑞志

十九年王巡狩侯甸方岳召康公從

周禮大行人十有二歲王巡狩殷國作僞
者以成王親政至是十有二年故爲此語

歸于宗周遂正百官

僞書周官惟周王撫萬邦巡
侯甸歸于宗周董正治官

黜豐侯

說文解字豐部鄉飲酒有豐侯者阮謀三禮圖豐國名也坐
酒亡國崔駰酒箴豐侯沈湎荷器抱缶自戮于世圖形戒後

二十一年除治象

周禮太宰乃縣治
象之法于象魏

周文公薨于豐

尙書序周公在豐將沒欲
葬成周公薨成王葬于畢

二十二年葬周文公于畢

見上

二十四年於越來賓

二十五年王大會諸侯于東都四夷來賓

逸周書王會
解文繁不具

冬十月歸自東都大事于太廟

三十年離戎來賓

逸周書史記解昔者林氏召離戎之君而朝之至而不
禮留而不親離戎逃而去之林氏伐之天下叛林氏

約案離戎驪山之戎也爲林氏所伐告於成王

三十三年王遊于卷阿召康公從

詩序卷阿召康公戒成王也

歸于宗周

命世子釗如房逆女房伯祈歸于宗周

周語昭王娶于房后此以爲康王殆涉昭王而誤

三十四年雨金于咸陽

述異記下周成王時咸陽雨金

約案咸陽天雨金三年國有大喪

三十七年夏四月乙丑王陟

書顧命惟四月哉生魄王不憚乙丑王崩漢書律歷志成王三十年四月庚戌朔十五日甲子哉生霸故顧命曰惟四月哉生霸王有疾

不豫甲子王乃洮沫水作顧命翌日乙丑成王崩通鑑外紀成王在位三十年通周公攝政三十七年

康王

名釗

見書顧命康王之誥史記周本紀成王崩太子釗立

元年甲戌春正月王卽位命冢宰召康公總百官

諸侯期于豐宮

左昭四年傳康有豐宮之朝

三年定樂歌

吉禘于先生

申戒農官告于廟

詩序臣工諸侯助祭道于廟也朱子集傳此戒農官之詩

六年齊太公薨

太公呂望表引紀年康王六年齊太公望卒

九年唐遷于晉作宮而美王使人讓之

書鈔十八引紀年晉侯作宮而美康王使讓之

十二年夏六月壬申王如豐錫畢公命

漢書律歷志康王十二年六月戊辰朔三日庚午故畢命豐刑曰惟十有二年六月庚午臚王

命作冊豐刑偽書畢命惟十有二年六月庚午臚越三日壬申王朝步自宗周至于豐以成周之衆命畢公保釐東郊

秋毛懿公薨

十六年錫齊侯伋命

王南巡狩至九江廬山

御覽五十四引尋陽記廬山西南有康王谷

十九年魯侯禽父薨

漢書律歷志成王元年此命伯禽俾侯于魯之歲也魯公伯禽推卽位四十六年至康王十六年而薨此作十九年案下二十一年魯作茅闕門乃燭公時事二十一年

燭公已卽位前此尙有考公四年則此書亦當從漢志說以魯公薨在康王十六年也十九年三字疑衍

二十一年魯築茅闕門

史記魯周公世家魯公伯禽卒子考公會立考公四年卒立弟熙是爲燭公燭公築茅闕門以漢志伯禽薨年推之此歲爲燭公元年

二十四年召康公薨

二十六年秋九月己未王陟

御覽八十四引帝王世紀康王在位二十六年崩外紀同

昭王

名瑕

史記周本紀康王崩子昭王瑕立

元年庚子春正月王卽位復設象魏

案前于成王二十一年云除治象至此復設象魏凡四十三年蓋作僞者見文選注及御覽引紀年成康

之世天下安寧刑措四十餘年不用乃書此以影射之也

六年王錫郇伯命

詩曹風四國有王郇伯勞之

冬十二月桃李華

十四年夏四月恒星不見

廣宏明集十一釋法琳引周書異記周昭王卽位二十四年甲寅歲四月八日江河水忽然泛漲井泉並皆溢出宮殿人舍山川大地咸悉震動

其夜五色光氣入貫紫微通于西方盡作青紅色周昭王問太史蘇由曰此何祥也由對曰有大聖人生於西方故現此瑞

秋七月魯人弑其君宰

史記魯世家煬公六年卒子幽公宰立幽公十四年幽公弟濞殺幽公而自立

十六年伐楚涉漢遇大兕

初學記七引紀年周昭王十六年伐楚荆涉漢遇大兕

十九年春有星孛于紫微

御覽八百七十四引紀年周昭王末年夜清五色光貫紫微其年王南巡不返

祭公辛伯從王伐楚

呂氏春秋音初篇周昭王將親征荆蠻辛餘靡長且多力爲王右還反及漢梁敗王及祭公隕於漢中辛餘靡據王北濟反振祭公周乃侯之於西翟

天大噎雉兔皆震喪六師于漢

初學記七引紀年周昭王十九年天大噎雉兔皆震喪六師于漢開元占經一百一御覽九百七引上二句

王陟

御覽八十四引帝王世紀昭王在位五十二年外紀同又引皇甫謐曰在位二年

穆王

名滿

史記周本紀立昭王子滿是爲穆王

元年己未春正月王卽位作昭宮

命辛伯餘靡

呂氏春秋音初篇語見上

冬十月築祗宮于南鄭

穆天子傳注引紀年穆王元年築祗宮于南鄭

自武王至穆王享國百年

晉書束皙傳引紀年

穆王以下

都于西鄭

漢書地理志注

六年春徐子誕來朝錫命爲伯

後漢書東夷傳穆王分東方諸侯命徐偃王主之

八年北唐來賓獻一驪馬是生騄耳

穆天子傳注引紀年北唐之君來見以一騄馬是生騄耳史記秦本紀集解引騄作驪

九年築春宮

原注王所居有春宮鄭宮御覽一百七十三引紀年穆王所居春宮鄭宮

十一年王命卿士祭公謀父

十二年毛公班井公利逢公固從王伐犬戎

穆天子傳命毛班逢固先至于周又乃命井利梁同肆將六卿

冬十月王北巡狩遂征犬戎

穆天子傳天子北征于犬戎

十三年春祭公帥師從王西征次于陽紆

類聚九十一引紀年穆王十三年西征至于青鳥之所釁穆天子傳天子西征行

至于陽紆之山河宗柏天先白口天子使鄧父受之

秋七月西戎來賓

徐戎侵洛

後漢書東夷傳徐戎僭號乃率九夷以伐宗周西至河上

冬十月造父御王入于宗周

史記秦本紀造父以善御幸於周繆王得赤驥溫驪騊駼耳之駒西巡狩樂而忘歸徐偃王作亂造父爲繆王御長驅歸周一日千里

以救亂

十四年王帥楚子伐徐戎克之

後漢書東夷傳穆王後得驥騮之乘乃使造父御以告楚令伐徐一日而至於楚文王大舉兵而滅之

夏四月王畋于軍邱

穆天子傳口辰天子次于軍邱以畋于敷口

五月作范宮

穆天子傳甲寅天子作居范宮

秋九月翟人侵畢

穆天子傳季秋口乃宿于房畢人告戎曰隘翟來侵

冬蒐于萍澤

穆天子傳季冬丙辰天子蒐獵萍澤

作虎牢

穆天子傳有虎在子葭中天子將至七萃之士高奔戎請生捕虎必全之乃生捕虎而獻之天子命之爲柙而畜之東虞是爲虎牢

十五年春正月留昆氏來賓

穆天子傳留昆氏歸玉百枚注留昆氏紀年

作重璧臺

穆天子傳天子乃爲之臺是曰重璧之臺

冬王觀于鹽澤

原注一作王幸安邑觀鹽池非是穆天子傳仲冬戊子至于鹽澤鹽池

十六年霍侯舊薨

穆天子傳霍侯舊告薨

王命造父封于趙

史記秦本紀穆王以趙城封造父

十七年王西征昆侖邱見西王母其年西王母來朝賓于昭宮

穆天子傳注引紀年穆王十七年行征崑崙邱見西王母其年來見賓于昭宮四次三經注引穆王五十七年西王母來見賓于昭宮

秋八月遷戎于太原

後漢書西羌傳王乃西征犬戎獲其五王王遂遷戎于太原

王北征行流沙千里積羽千里

大荒北經注引紀年征犬戎取其五王以東

西征至于青鳥所解

原注三危山西次三經注引紀年西征還履天下億有九

萬里

穆天子傳注引紀年

十八年春正月王居祗宮諸侯來朝

二十一年祭文公薨

逸周書祭公解謀父疾維不瘳

二十四年王命左史戎夫作記

逸周書史記解維正月王在成周味爽召三公左史戎夫曰今夕朕寤遂事驚子乃取遂事之要戒俾戎夫主之朔望以聞

三十五年荆人入徐毛伯遷帥師敗荆人于沛

三十七年大起九師東至于九江架龍鼉以爲梁遂伐越至于

紂文選恨賦注引紀年穆王三十七年伐越大起九師東至于九江叱鼃鼃以為梁路史國名紀紂穆王伐之大起九師東至于九江鼃鼃為梁亦本紀年此兼取二書遂云伐越至于紂矣

荆人來貢類聚九引紀年穆王三十七年伐楚

三十九年王會諸侯于塗山左昭四年傳穆有塗山之會

四十五年魯侯潰薨史記魯周公世家幽公弟濫殺幽公而自立是為魏公魏公五十年卒

五十一年作呂刑命甫侯于豐書呂刑惟呂命王享國百年豐庶度作刑以詰四方案史記周本紀言穆王即位春秋已五十矣呂刑云王享國百年故繫之

于五十一年

五十五年王陟于祇宮御覽八十四引史記穆王在位五十五年帝王世紀同左昭十二年傳王是以獲沒于祇宮

共王

名繫扈史記周本紀穆王崩子共王繫扈立索隱世本作伊扈

元年甲寅春正月王即位

四年王師滅密周語共王游于涇上密康公從有三女奔之康公弗獻一年王滅密

九年春正月丁亥王使內史良錫毛伯遷命考古圖邢敦銘惟二年正月初吉王在周御宮丁亥王格于宜射毛伯內

門立中庭右祝鄒王呼內史册命鄒鄒从鼻即還字前人當有釋為還字者乃偽為此條不知敦銘中毛伯與鄒實二人非一人也

十二年王陟御覽八十四引帝王世紀共王在位二十年外紀在位十年又引皇甫謐曰在位二十五年

懿王

名堅史記周本紀共王崩子懿王立索隱世本作堅

元年丙寅春正月王卽位

天再旦于鄭事類賦注御覽二引紀年楚王元年天再旦于鄭

七年西戎侵鎬下見

十三年翟人侵岐漢書匈奴傳至穆王之孫懿王時王室遂衰戎狄交侵暴虐中國此與上條即據漢書爲之

十五年王自宗周遷于槐里漢書地理志右扶風槐里周曰犬邱懿王都之

十七年魯厲公擢薨史記魯周公世家魏公卒子厲公擢立厲公三十七年卒

二十一年虢公帥師伐犬戎敗逋

二十五年王陟御覽八十四引史記懿王在位二十五年外紀同

懿王之世興起無節號令不時挈壺氏不能共其職於是諸

侯攜德

孝王

名辟方史記周本紀懿王崩共王弟辟方立是爲孝王

元年辛卯春正月王卽位

命申侯伐西戎史記秦本紀申侯之女爲大駱妻生子成爲適申侯乃言孝王曰昔我先驪山之女爲戎胥軒妻生中湫以親故歸周保西垂西垂以其故和睦今我復興大駱妻生適子成申駱重婚西戎

皆服所以爲王

五年西戎來獻馬

七年冬大雨電江漢水

原注牛馬死是年厲王生御覽八十四引史記周孝王七年厲王生冬大雨電牛馬死江漢俱凍

八年初牧于汧渭

史記秦本紀非子居犬邱周孝王召使主馬于汧渭之間

九年王陟

御覽八十四引史記孝王在位十五年外紀同

夷王

名燹

史記周本紀孝王崩諸侯復立懿王太子燹是為夷王

元年庚子春正月王卽位

二年蜀人呂人來獻瓊玉賓于河用介珪

書鈔三十一御覽八十四引紀年夷王二年蜀人呂人來獻瓊玉賓于河用介珪

三年王致諸侯烹齊衰公于鼎

御覽八十四引紀年三年王致諸侯烹齊衰公于鼎史記正義引作翦齊衰公鼎

六年王獵于社林獲犀牛一以歸

御覽八百九十引紀年夷王獵于社林得一犀牛

七年虢公帥師伐太原之戎至于俞泉獲馬千匹

後漢書西羌傳夷王衰弱荒服不朝乃命虢公率六

師伐戎至于俞泉獲馬千匹見竹書紀年

冬雨雪大如礪

初學記二御覽十四引紀年夷王七年冬雨雪大如礪

楚子熊渠伐庸至于鄂

史記楚世家當周夷王之時熊渠甚得江漢間民心乃興兵伐庸楊粲至于鄂

八年王有疾諸侯祈于山川

左昭二十六年傳至于夷王王愍于厥身諸侯莫不並走其望以祈王身

王陟

史記正義御覽八十四引帝王世紀十六年王崩外紀十五年

厲王